

## BASES FESTIVAL DOS MAIOS 2022

O Excmo. Concello de Cambados, a través da Concellería de Cultura, convoca o FESTIVAL DOS MAIOS os días 29 e 30 de abril de 2022 no Parque de Torrado.

O festival, obxecto desta convocatoria, rexeráse polas seguintes Bases:

**PRIMEIRA.-** Poderán participar grupos, asociacións ou centros educativos que o desexen.

**SEGUNDA.-** Lugar, contido e prazo de inscrición.

1.- A inscrición deberá facerse obrigatoriamente na Biblioteca Municipal Luís Rei, no modelo de inscrición normalizado (Anexo I), indicando:

- Nome do grupo.
- Nome, CIF, enderezo e teléfono da Asociación (no caso de ser unha asociación legalmente constituída). Farase constar así mesmo o nome e DNI do representante da Asociación.
- Nome, apelidos, DNI, enderezo e teléfono do representante (no caso de ser un grupo informal e non unha asociación constituída).

2.- Xunto coa instancia de inscrición deberá achegarse obrigatoriamente a seguinte documentación:

- Copia do DNI do representante do grupo (no caso de grupos informais).
- Copia do CIF da Asociación e copia do DNI do representante (no caso de ser unha asociación legalmente constituída).
- Declaración responsable de atoparse ao corrente das obrigas tributarias e da seguridade social, segundo impreso normalizado (Anexo II).
- Copia do certificado de conta bancaria da Asociación ou do representante do grupo (no caso de grupos informais) para o ingreso da gratificación.

3.- O prazo de presentación da documentación será ata o xoves 28 de abril de 2022. As solicitudes recolleranse na biblioteca de luns a venres de 10.00h a 14.00h e de 16.00h a 20.30h, e os sábados de 10.30h a 13.30h.



4.- O festival contará coa participación dun máximo de 14 grupos. No caso de superar esta cantidade, seleccionaranse por orde de inscrición, dándolle prioridade ás que contén con máis integrantes domiciliados en Cambados. Polo tanto, será a Organización quen, nos días seguintes tras finalizar o prazo de inscrición, contacte con aquelas que finalmente participen. A orde de actuación será a mesma que a de inscrición.

**TERCEIRA.-** Os maios deberán ter como mínimo 1 metro de alto e 70x70 centímetros de base.

Os grupos estarán formados, por un mínimo de 10 persoas, e terán un representante legal maior de idade, que asuma a responsabilidade en todos os supostos derivados da participación neste festival.

**CUARTA.-** Os grupos dos centros educativos deberán estar o venres 29 de abril de 2022, ás 11:00h, na Praza do Concello para o desfile ata o Parque de Torrado, en caso de mal tempo trasladarase o festival para o Salón José Peña.

Os grupos que non sexan de centros educativos deberán estar o sábado 30 de abril de 2022, ás 18 horas, na Praza do Concello para o desfile ata o Parque de Torrado, en caso de mal tempo trasladarase o festival para o Salón José Peña. Cada grupo deberá presentar un maio, realizado con materiais tradicionais, relacionado coa data que se celebra.

**QUINTA.-** Os grupos contarán con medios propios para faceren a súa actuación e terán un máximo de 20 minutos dende que suban ata que baixen do escenario. Establécese igualmente un mínimo de 2 pezas musicadas para poder participar.

**SEXTA.-** A actuación realizarase segundo a orde establecida no momento da inscrición, da que deberán estar pendentes cada un dos seus representantes.

**SÉTIMA.-** Os grupos non poderán usar na súa actuación medios ou materiais que supoñan un perigo para as persoas.

**OITAVA.-** Unha vez rematado o festival, os grupos retirarán do espazo no que se realice todas as súas pertenzas.



**NOVENA.-** Os grupos que o precisen comprométense a entregar, con tempo suficiente (a través dun CD, memoria extraíble...), ao técnico do son os arquivos de música que queiran reproducir durante a súa actuación. Deberán concretar co antedito técnico formato e calidade para evitar problemas durante a actuación.

**DÉCIMA.-** Gratificacións

Establécense as seguintes gratificacións, ata un límite máximo de consignación orzamentaria de 2.450 euros.

Tódolos grupos participantes terán dereito a unha gratificación de 175€, excepto que a organización acorde que non cumpran as presentes bases.

**UNDÉCIMA.-** Os grupos terán a obriga de entregar o mesmo día da inscrición 2 exemplares das súas letras ou pezas na biblioteca, para incorporalas ao arquivo municipal. Ao presentar as coplas, especificarase se son novas ou pezas tradicionais relacionadas con estas datas.

**DUODÉCIMA.-** 1.- Ao remate do festival, todos os representantes legais deberanse reunir coa organización para asinar os documentos xustificativos pertinentes (Anexo III), mostrando o seu DNI.

2.- O ingreso das gratificacións farase nos días posteriores a través de transferencia bancaria no número de conta aportado, unha vez sexan presentados e aprobados pola Xunta de Goberno Local.

**DÉCIMO TERCEIRA.-** Os grupos, coa aceptación destas bases, dan o seu visto e praxe a posibles difusión ou explotacións do contido do evento, que será, en todo caso, responsabilidade do Concello de Cambados.

**DÉCIMO CUARTA.-** A presentación a este Concurso implica necesariamente a aceptación de todos e cada un dos puntos das Bases. En todo momento as persoas participantes deberán cumprir coas indicacións da organización.



## ANEXO I

### INSTANCIA DE INSCRIPCIÓN FESTIVAL DOS MAIOS

D/D<sup>a</sup> \_\_\_\_\_, con DNI \_\_\_\_\_

con domicilio en \_\_\_\_\_

\_\_\_\_\_ e teléfono nº \_\_\_\_\_

en representación do grupo / Asociación \_\_\_\_\_

\_\_\_\_\_ con CIF \_\_\_\_\_

con domicilio en \_\_\_\_\_

\_\_\_\_\_ e teléfono nº \_\_\_\_\_

#### SOLICITA

A participación no FESTIVAL DOS MAIOS 2022 convocado polo Concello de Cambados.

Achégase así mesmo a seguinte documentación:

- Copia do DNI do representante do grupo (no caso de grupos informais).
- Copia do CIF da Asociación e copia do DNI do representante (no caso de ser unha asociación legalmente constituída).
- Declaración responsable de atoparse ao corrente das obrigas tributarias e da seguridade social, segundo impreso normalizado (Anexo II).
- Copia do certificado de conta bancaria da Asociación ou do representante do grupo (no caso de grupos informais) para o ingreso da gratificación.

En Cambados, a \_\_\_\_\_ de \_\_\_\_\_ de 2022

(Sinatura)

A entrega de presente instancia de inscrición cuberta, implica a aceptación das bases do festival e a participación no mesmo conforme a elas



**ANEXO II**  
**DECLARACIÓN RESPONSABLE**

D/D<sup>a</sup> \_\_\_\_\_, con DNI \_\_\_\_\_

con domicilio en \_\_\_\_\_

\_\_\_\_\_ e teléfono nº \_\_\_\_\_

en representación do grupo / Asociación \_\_\_\_\_

\_\_\_\_\_ con CIF \_\_\_\_\_

con domicilio en \_\_\_\_\_

\_\_\_\_\_ e teléfono nº \_\_\_\_\_

**DECLARA RESPONSABLEMENTE**

Que o grupo / Asociación \_\_\_\_\_:

- Non está incurso en ningunha das prohibicións para a obtención da condición de beneficiario que recolle o artigo 13 da Lei 38/2003 do 17 de novembro, Xeral de Subvencións.

- Está ao corrente no cumprimento das obrigas tributarias coa Facenda Estatal, Autonómica, e coa Seguridade Social, e co Concello de Cambados.

E para que conste e surta os efectos oportunos, asina a presente declaración.

En Cambados, a \_\_\_\_\_ de \_\_\_\_\_ de 2022

(Sinatura)



### ANEXO III

#### FICHA DE BENEFICIARIO FESTIVAL DOS MAIOS 2022

D/D<sup>a</sup> \_\_\_\_\_, con DNI \_\_\_\_\_

con domicilio en \_\_\_\_\_

\_\_\_\_\_ e teléfono nº \_\_\_\_\_

en representación do grupo / Asociación \_\_\_\_\_

\_\_\_\_\_ con CIF \_\_\_\_\_

con domicilio en \_\_\_\_\_

\_\_\_\_\_ e teléfono nº \_\_\_\_\_

Resultou beneficiario dunha gratificación por importe de 175 €

pola participación no FESTIVAL DOS MAIOS 2022, celebrado en Cambados os días 29 e 30 de abril de 2022.

Sinatura:

CONFORME, o Concelleiro de Cultura, Constantino Cordal Rodríguez.

Asdo :

